### АЖРИМ

# (Даъво аризасини кўрмасдан қолдириш тўғрисида)

## 2024 йил 25 июнь

Пешку тумани

Пешку туманлараро иқтисодий судининг судьяси У.Жумаев раислигида, судья ёрдамчиси Ж.Раҳматов котиблигида, Вобкент туман фермер, деҳқон ҳўжаликлари ва томарқа ер эгалари кенгаши даьвогар "Нурулло Амон Амрулло" фермер ҳўжалиги манфаатида жавобгар "ВСТ Cluster Agrokompleks" масъулияти чекланган жамиятига нисбатан киритилган даъво аризаси юзасидан қўзғатилган иқтисодий ишини, даъвогар вакили А.Нуруллоев (ишончнома асосида) ва Вобкент туман фермерлар кенгаши вакили С.Сатторов (ишончнома ва буйруқ асосида)ларнинг иштирокида Пешку туманлараро иқтисодий суди биносида очиқ суд мажлисида кўриб чиқиб, қуйидагиларни

### аниклади:

Вобкент туман фермер, деҳқон хўжаликлари ва томарқа ер эгалари кенгаши даьвогар "Нурулло Амон Амрулло" фермер хўжалиги (бундан буён матнда "даьвогар" деб юритилади) манфаатида туманлараро иктисодий судига даъво аризаси билан мурожаат қилиб, жавобгар "BCT Cluster Agrokompleks" масъулияти чекланган жамияти (бундан буён матнда "жавобгар" деб юритилади) ҳисобидан 105 783 558,50 сўм асосий қарз ундиришни сўраган.

Ишда иштирок этувчи шахсларга даъво аризасини иш юритишга қабул қилиш ва ишни суд муҳокамасига тайёрлаш тўғрисида ажрим нусхалари гибрид почта хизмти орқали юборилган. Ажрим нусхаси жавобгарга етказилганлигини тасдиқловчи почта маълумоти ҳужжатларида мавжуд.

Жавобгар суд мажлиси вақти ва жойи тўғрисида лозим даражада хабардор қилинган бўлсада, суд мажлисида вакил иштирокини таъминламади. Даъво аризаси юзасидан ўз эътирозларини тақдим қилмади.

Ўзбекистон Республикаси Иқтисодий процессуал кодекси (бундан буён матнда "ИПК" деб юритилади) 170-моддасининг учинчи қисмига мувофиқ иш муҳокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо уларнинг йўқлигида кўрилиши мумкин.

Суд ушбу қонун нормасига асосланиб, иқтисодий ишни жавобгар вакилининг иштирокисиз кўриб чикишни лозим топди.

Суд мажлисида иштирок этган даъвогар вакили даъво аризасида келтирилган асосларни такрорлаб, даъвони тулик каноатлантиришни суради.

Суд мажлисида иштирок этган Вобкент туман фермерлар кенгаши вакили даъво аризасида келтирилган асосларни такрорлаб, даъвони тўлик каноатлантиришни сўради.

Суд даъвогар вакилининг тушунтириши ва важини тинглаб, ишдаги мавжуд хужжатларни ўрганиб чиқиб, куйидагиларга асосан даъвони кўрмасдан қолдиришни лозим топади.

ИПК 107-моддаси биринчи қисмининг 9-бандига кўра, жавобгарга нисбатан банкротлик тўғрисида иш қўзғатилган бўлса ва жавобгарга нисбатан тақдим

этилган талаб қонунга кўра банкротлик тўғрисидаги иш доирасида кўрилиши лозим бўлса суд даъво аризасини кўрмасдан қолдириши белгиланган.

Аниқланган ҳолатларга кўра жавобгарга нисбатан 2024 йил 14 июнда 4-2005-2401/365-сонли ажрим билан банкротлик иши қўзғатилган.

Демак, ушбу низо банкротлик тўғрисидаги иш доирасида кўрилиши лозим бўлади.

Бундай холатда суд, даъвони курмасдан қолдиришни лозим топади.

ИПК 118-моддаси биринчи қисмига кўра, суд харажатлари ишда иштирок этувчи шахсларнинг қаноатлантирилган даъво талаблари микдорига мутаносиб равишда уларнинг зиммасига юклатилади.

Ўзбекистон Республикаси Президентинининг 2020 йил 6 январдаги "Давлат божи тўгрисида" ги ЎРҚ-600-сонли қонунининг 18-бандага кўра Ўзбекистон фермер, деҳқон хўжаликлари ва томорқа ер эгалари кенгаши, Қорақалпоғистон Республикаси, вилоятлар ва туман фермер, деҳқон хўжаликлари ва томорқа ер эгалари кенгашлари — фермер, деҳқон хўжаликлари ва томорқа ер эгаларининг манфаатларини кўзлаб қилинган даьволар юзасидан иқтисодий судларда давлат божини тўлашдан озод қилинган.

Суд, суд харажатлари қисмини муҳокама қилиб, даъвогар томонидан олдиндан 34 000 сум почта харажати туҳланганлигини инобатга олишни ҳамда унинг зиммасида қолдиришни, даъвогар давлат божини туҳлашдан озод қилинганлигини инобатга олишни лозим топди.

Юқоридагиларга кўра, Ўзбекистон Республикаси Иқтисодий процессуал кодекси 107-моддаси 6-банди, 108,195,196-моддаларига асосланиб, суд

## ажрим килди:

Даъво кўрмасдан қолдирилсин.

Даъвогар "Нурулло Амон Амрулло" фермер хўжалигининг томонидан олдиндан 34 000 сўм почта харажати тўланганлиги инобатга олинсин ва унинг зиммасида қолдирилсин.

Ажримдан норози тараф бир ой муддатда Пешкў туманлараро иктисодий суди оркали юкори судга апелляция тартибида шикоят килиш (протест келтириш) мумкин.

Судья У.Жумаев

